



Broj predmeta: 02-000049/20
Broj akta: 01.1-1141SM-398/20
Datum, 16.10.2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, na prijedlog Odjeljenja za zdravstvo i ostale usluge od 16. 10. 2020. godine, a nakon održane telefonske sjednice Štaba, komandant Štaba, gradonačelnik Brčko distrikta BiH dana 16.10.2020. godine i z d a j e

N A R E D B U

Član 1.

Daje se saglasnost na Preporuke za održavanje predizbornih skupova na teritoriji Brčko distrikta BiH.

Član 2.

Sastavni dio ove naredbe čine Preporuke za održavanje predizbornih skupova na teritoriji Brčko distrikta BiH.

Član 3.

Preporuke iz člana 1. ove naredbe podložne su promjenama i usklađivat će se prema trenutnoj epidemiološkoj situaciji.

Član 4.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

GRADONAČELNIK

Mr. sc. Siniša Milić

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Policiji Brčko distrikta BiH
5. Uredu gradonačelnika / Inspektorat
6. Vijeću ministara Bosne i Hercegovine
Trg BiH 1, Sarajevo, 71 000 Sarajevo
7. Sekretaru Vlade (3x)
8. Odjeljenju za zdravstvo i ostale usluge
9. Odjeljenju za zdravstvo i ostale usluge
- Pododjeljenje za javno zdravstvo
10. JZU „Zdravstveni centar Brčko“ Brčko distrikt BiH
11. Svim odjeljenjima Vlade (12x)
12. Članovima Štaba (34x)
13. Institucijama Brčko distrikta BiH (8x)
14. Javnim preduzećima, fondovima i Zavodu (7x)
15. „Službenom glasniku Brčko distrikta BiH“
16. Arhivi.

Preporuke za održavanje predizbornih skupova

Preporuke se odnose na organizatore, građane, službene osobe, govornike i izvođače te ostale osobe koje će učestvovati na predizbornim skupovima.

Preporučuje se, ako postoji mogućnost, organizovanje izbornih skupova na otvorenom.

Na ulazu u prostor gdje se održava izborni skup potrebno je postaviti obavještenje o obavezi pridržavanja općih epidemioloških mjera. Također, na ulazu u prostor i u samom prostoru na još ponekom lakše dostupnom mjestu organizatorima, osoblju i ostalim učesnicima te prisutnim građanima, treba biti osiguran dozator s dezinfekcionim sredstvom za ruke.

Cijelo vrijeme boravka u prostorima preporučuje se održavanje fizičke udaljenosti i obavezno je korištenje maske za lice, osim za govornike i izvođače.

Sve osobe koje u bilo kojem svojstvu učestvuju na izbornom skupu prije dolaska na skup trebaju izmjeriti tjelesnu temperaturu. Preporučuje se vođenje evidencije osoba koje učestvuju radi lakšeg praćenja kontakata u slučaju eventualne pojave zaraze virusom SARS-CoV-2, pri čemu će se prikupljati osnovni podaci: ime, prezime i broj telefona.

Preporučuje se da se unaprijed označe sva sjedeća mjesta koja trebaju međusobno biti udaljena najmanje dva metra. U zatvorenom prostoru se preporučuje da se omoguće isključivo sjedeća mjesta.

Najveći broj prisutnih građana koji mogu istovremeno boraviti, uz poštovanje preporučene fizičke udaljenosti dva metra među osobama, organizator će odrediti u skladu s veličinom prostora.

Preporučuje se da građani koji žele prisustvovati ulaze jedan po jedan na način da prvi koji ulazi zauzima najudaljenije mjesto u publici, gledajući od ulaza, i tako po redu. Preporučuje se razmak među osobama od najmanje dva (2) metra kod ulaska, kretanja i izlaska.

Prilikom interakcije sa govornicima i izvođačima sa skupa, službene osobe trebaju koristiti masku za lice. Treba im stalno biti na raspolaganju priručno dezinfekcijsko sredstvo kojim će redovno dezinfikovati ruke.

Preporučuje se što češće provjetravanje zatvorenog prostora, a najmanje dvaput dnevno, pola sata prije i nakon programa izbornog skupa ili ako je moguće da se prozori ostave otvoreni.

Opća preporuka za zatvorene prostore je provjetravanje otvaranjem prozora, a manje korištenje ventilacionih sistema.

Organizacija skupa moguća je isključivo u prostorima koji mogu ispuniti tehničke i sigurnosne uslove da se može poštovati fizička udaljenost od dva metra između učesnika, prisutnih građana i službenih osoba i dva metra za eventualno prisutne pjevače te četiri između publike i govornika, odnosno izvođača na sceni.

Preporuke su podložne promjenama i usklađivat će se prema trenutnoj epidemiološkoj situaciji.